

Bosna i Hercegovina  
Federacija Bosne i Hercegovine  
Tuzlanski kanton  
OPĆINSKI SUD U GRAČANICI

Broj: 027-0-Su-20-000 180/1  
Gračanica, 30.03.2020. godine

IZVJEŠTAJ  
O RADU OPĆINSKOG SUDA U GRAČANICI  
ZA 2019. GODINU

Na osnovu člana 63.stav 2. Zakona o sudovima u Federaciji Bosne i Hercegovine („Službene novine Federacije Bosne i Hercegovine“ broj 38/05, 22/06, 63/10, 72/10, 7/13, 52/14) u vezi sa članom 8. stav 1. tačka h) Pravilnika o unutrašnjem sudskom poslovanju („Službeni glasnik Bosne i Hercegovine“ br. 66/12, 44/14, 54/17, 60/17 i 30/18) predsjednik Općinskog suda u Gračanici posnosi

## IZVJEŠTAJ O RADU ZA 2019. GODINU

Na osnovu elemenata i pokazatelja iskazanih u ovom izvještaju kroz prikaz stanja riješenih i neriješenih predmeta, priliva i strukture predmeta, kvaliteta rada, kaznene politike, izvršenja krivičnih sankcija, kadrovske strukture suda i materijalnog položaja, može se sagledati rad Općinskog suda u Gračanici u 2019. godini.

### STANJE RIJEŠENIH I NERIJEŠENIH PREDMETA

U priloženim tabelama prikazani su podaci o rješavanju predmeta na svim referatima i to: stanje neriješenih predmeta na dan 31.12.2018. godine, broj primljenih predmeta u 2019. godini, ukupan broj predmeta u radu, broj završenih i broj neriješenih predmeta na kraju 2019. godine, pregled neriješenih predmeta po godinama iz koje potiču.

Osim predmeta iskazanih u tabelama, u toku 2019. godine riješeno je i:

- Nar/Rz. predmeta (predmeti naručenih izvadaka, prepisa i uvjerenja i razna zemljišno-knjižna pismena) 7328,
- izvršeno 4 ovjeravanja isprava (Ov. predmeti),
- izvršeno 2146 ovjeravanja isprava namijenjenih za upotrebu u inostranstvu (Ov-h),
- izdato 591 Kr uvjerenja da se ne vodi krivični postupak,
- izdato 200 Prz II uvjerenja da nisu izricane zaštitne mjere obavljanja djelatnosti, da stranka nije prekršajno kažnjavana.

#### Krivična oblast

U 2019. godini u krivičnoj oblasti sudovanja primljeno je u rad K 168 predmeta.

Broj krivičnih predmeta koji su primljeni u rad 2019. godine u odnosu na 2018. godinu je veći, jer je 2018. godine primljeno 142 predmeta. Došlo je do promjene u strukturi krivičnih djela u odnosu na prethodnu godinu tj. povećan je broj krivičnih djela: laka tjelesna ozljeda, posjedovanje i omogućavanje uživanja opojnih droga, nasilničko ponašanje, krađa i teška krađa. U ovoj godini zastupljena su sljedeća krivična djela:

Vrsta krivičnog djela	član KZ F BiH	Broj predmeta
Zakon o osiguranju od odg. za motorna vozila	Čl. 23. ZOOMV Sl. novine FBiH br.24/05	2
Zakon o oružju i municiji TK	Čl 72. st.1. i 73. st.3 ZOOIM Sl. novine TK br.17/15	1
Ubistvo namah	167 KZ F BiH	1
Prouzrokovanje smrti iz nehata	168 KZ F BiH	1
Teška tjelesna ozljeda	172 KZ F BiH	12
Laka tjelesna ozljeda	173 KZ F BiH	13
Protupravno lišenje slobode	179 KZ F BiH	2

Ugrožavanje sigurnosti	183 KZ F BiH	7
Nasilje u porodici	222 KZ F BiH	6
Izbjegavanje izdržavanja	223 KZ F BiH	1
Neovlaštena proizvodnja i stavljanje u promet opojnih droga	238 KZ F BiH	11
Posjedovanje i omogućavanje uživanja opojnih droga	239 KZ F BiH	7
Nedozvoljena trgovina	267 KZ F BiH	1
Krađa	286 KZ F BiH	9
Teška krađa	287 KZ F BiH	6
Utaja	290 KZ F BiH	1
Oštećenje tuđe stvari	293 KZ F BiH	11
Prijevarama	294 KZ F BiH	4
Iznuda	295 KZ F BiH	3
Prikrivanje	300 KZ F BiH	2
Šumska krađa	316 KZ F BiH	3
Ugrožavanje javnog prometa	332 KZ F BiH	2
Ugrožavanje javnog prometa zbog omamljenosti	333 KZ F BiH	3
Teška djela protiv sigurnosti javnog prometa	336 KZ F BiH	15
Nasilničko ponašanje	362 KZ F BiH	3
Nedozvoljeno držanje oružja ili eksplozivnih materija	371 KZ F BiH	2
Krivtvođenje isprave	373 KZ F BiH	4
Lažno prijavljivanje	347 KZ F BiH	1
Napad na službenu osobu u vršenju poslova sigurnosti	359 KZ F BiH	1
Porezna utaja	373 KZ F BiH	1
Sprečavanje službene osobe u vršenju službene radnje	358 KZ F BiH	3
Pustošenje šuma	315 KZ F BiH	1
Prikrivanje	300 KZ F BiH	2

U 216 primljenih Kps predmeta ukupno je optuženo 252 lica od kojih je 186 lica sa područja općine Gračanica, 30 lica sa područja općine Doboj Istok, dok je 36 lica sa područja drugih općina.

U 2019. godini riješeno je 173 krivičnih predmeta, na kraju izvještajnog perioda ostalo je neriješeno 51 K predmeta, a na početku izvještajnog perioda bilo je neriješeno 56 predmeta. Osuđujućom presudom je završeno 153 predmeta, oslobađajućom presudom 6 predmeta, u 4 predmeta je obustavljen postupak a 10 je riješeno na drugi način.

Od ukupno riješenih 173 K predmeta u 31 predmeta (17,92%) presuda je izrečena po osnovu priznanja krivnje, u 16 predmeta (9,25 %) presuda je izrečena po sporazumu o priznanju krivnje, u 107 predmeta presuda je donesena nakon održanog glavnog pretresa (61,85 %), u 4 predmeta (2,31%) je donesena obustava postupka i 15 predmeta (5,49%) su završena na drugi način.

Od ukupno riješenih 208 Kps predmeta u 63 predmeta presuda je izrečena po izdavanju kaznenog naloga, u 4 predmeta je donesena presuda na osnovu sporazuma o priznanju krivnje, u 3

predmetu postupak je obustavljen, u 136 predmeta donesena je odluka u meritumu, 1 predmet je delegiran drugom sudu, dok je u 1 predmetu donesena procesna odluka (optužnica odbačena). U 62 predmeta izrečena je uvjetna osuda, u 2 predmeta izrečena je novčana kazna, a u 2 predmeta kazna zatvora.

Na kraju izvještajnog perioda ostalo je neriješeno 51 K predmeta i to: 39 predmeta (76,47%) iz 2019.godine, 3 predmeta (5,89%) iz 2018. godine, 1 (1,96%) predmeta iz 2016. godine, 2 predmeta (3,92) iz 2014. godine, 1 predmet (1,96%) iz 2013.godine, 2 predmeta (3,92%) iz 2012.godine, 1 predmeta (1,96%) iz 2011.godine, 1 predmet (1,96%) iz 2010. godine, 1 predmet (1,96%) iz 2009.godine.

Trajanje postupka: u 173 završena K predmeta u 2019. godini postupak je u 129 predmeta trajao do 3 mjeseca ili 74,56 %, u 35 predmeta ili 20,23% postupak je trajao preko 3 mjeseca do 1 godine, a u 9 predmeta ili 5,21 % postupak je trajao preko 1 godine.

### **Kaznena politika**

Od riješenih 173 predmeta, kazna zatvora je izrečena u 47 predmeta, uslovna osuda u 83 predmeta, novčana kazna u 21 predmet, sudska opomena u 2 predmeta, 6 predmeta je završeno donošenjem presude kojom se optuženi oslobađa od optužbe, u 1 predmetu je optužba odbijena, u 4 predmeta je obustavljen postupak, u 2 predmeta je donesena presuda kojom je utvrđeno da je djelo učinjeno u stanju neuračunljivosti, 4 su završena na drugi način, u 1 predmetu su dva optužena od kojih je jedan oslobođen od optužbe a drugom je izrečena uvjetna osuda, zatim u 1 predmetu su dva optužena od kojih je jednom izrečena uvjetna osuda a u odnosu na drugog je optužba odbijena, te u 1 predmetu su dva optužena od kojih je jednom izrečena kazna zatvora a drugom uvjetna osuda.

Kaznena politika redovno je analizirana na radnim sastancima sudija i može se ocijeniti adekvatnom počinjenim djelima odnosno jačini ugrožavanja ili povrede zaštićenog dobra, okolnostima pod kojima su djela učinjena, stepenu krivične odgovornosti počinitelaca, kao i drugim okolnostima od kojih zavisi vrsta i visina kazne, odnosno vrsta krivične sankcije.

Pritvor je određivan za 14 lica u 13 predmeta. Pritvor je za 7 lica trajao od 1 do 3 mjeseca, za 3 lica pritvor je trajao od 3-6 mjeseci odnosno za još 3 lica je određen duže od 3 mjeseca i još traje dok je za 1 lice pritvor određen preko 6 mjeseci i još uvijek traje.

### **Maloljetnička delikvencija**

U 2019. godini u radu je bilo 5 Km predmeta od kojih je 1 predmet prenesen iz 2018. godine a 4 predmeta su zaprimljena u 2019. godini. U odnosu na 2018. godinu u 2019.godini došlo je do smanjenja priliva Km predmeta.

U 2019. godini u zaprimljenim predmetima u postupku protiv maloljetnika zastupljena su sljedeća krivična djela:

Vrsta krivičnog djela	član KZ F BiH	Broj predmeta
Teška krađa	287 KZ F BiH	2
Teška tjelesna ozljeda	172 KZ F BiH	1
Nasilničko ponašanje	362 KZ FBIH	1

Završeno je 4 predmeta Km, a 1 predmet je nezavršen.

U sva 4 Km predmeta izrečene su odgojne mjere i to u 2 predmeta odgojna mjera pojačanog nadzora roditelja, u 1 predmetu odgojna mjera pojačanog nadzora nadležnog organa socijalne zaštite a u jednom predmetu u kojem se postupak vodio protiv 2 lica, jednom je izrečena mjera pojačanog nadzora nadležnog organa socijalne zaštite a drugom mjera pojačanog nadzora roditelja.

Trajanje postupka – u svim završenim Km predmetima tj 4 postupak je trajao do 3 mjeseca.

#### a) Građanska oblast

##### Pregled primljenih parničnih predmeta:

Red. br.	Vrsta parničnog spora	Broj predmeta
<b>1.</b>	<b>Sporovi iz bračnih i porodičnih odnosa</b>	<b>142</b>
a	Razvod braka	110
b	Izdržavanje	
	- djece	3
	- bračnog druga	2
c	Osporavanje očinstva / materinstva	2
d	Utvrđivanje očinstva/materinstva	4
e	Podjela bračne stečevine	8
f	Određivanje neposrednih kontakata djeteta sa roditeljem sa kojim ne živi	3
G	Izmjena odluke o povjeravanju djeteta	9
h	Izdržavanje-ostali	1
<b>2.</b>	<b>Sporovi iz nasljeđivanja</b>	<b>2</b>
<b>3.</b>	<b>Sporovi iz stvarnog prava</b>	<b>37</b>
a	Smetanje posjeda i prava	7
b	Svojina i posjed nepokretnosti	3
c	Stambeni-iseljenje	1
d	Utvrđenje služnosti	6
e	Utvrđivanje i uknjižba	20
<b>4.</b>	<b>Sporovi po osnovu ugovora i pravnih poslova</b>	<b>7</b>
a	ostali (zajam, raskid ugovora)	7
<b>5.</b>	<b>Sporovi o naknadi štete</b>	<b>43</b>
<b>6.</b>	<b>Sporovi iz radnih odnosa</b>	<b>18</b>
<b>7.</b>	<b>Ostali sporovi</b>	<b>396</b>
a	Dug	144
b	Komunalne i slične usluge	235
c	Prijedlog za određivanje mjere osiguranja	2
d	Ostali	15

Na parničnom referatu (P, RS i Mal predmeti) primljeno je 642 predmeta (255 P, 20 RS, 258 Mal, 6 P-Mpom i 3 P-Mo) i u toku izvještajnog perioda u radu je bilo ukupno 738 predmeta.

U 2019. godini riješeno je ukupno 605 parničnih predmeta ( 244 P, 25 Rs, 325 Mal, 5 P-Mpom i 6 P-Mo predmeta), od čega presudom zbog propuštanja 229 predmeta ili 37,85%. Od 244 P predmeta presudom zbog propuštanja završeno je 28 predmeta ili 11,47%, od 25 Rs predmeta 1 je završen presudom zbog propuštanja ili 4%, od 325 Mal predmeta 200 je završeno presudom zbog propuštanja ili 61,53%.

Presudom na osnovu priznanja riješeno je 15 predmeta ili 2,48% (od čega 3 P ili 1,23%, 8 Rs ili 32%, 4 Mal predmeta ili 1,23%). Presudom donesenom nakon provedene rasprave riješeno je 180 ili 29,75 % predmeta ( od čega 152 P ili 62,29%, 8 Rs ili 32%, 18 Mal predmeta ili 5,54% i 2 P-Mo ili 33,33%). Sudskom nagodbom je riješeno 12 ili 1,98% predmeta (od čega 3 P ili 1,23%, 2 Rs ili 8%, 7 Mal predmeta ili 2,15%). Procesnom odlukom je riješeno 38 predmeta ili 6,28% (od čega 8 P ili 3,27%, 2 Rs ili 8%, 27 Mal predmeta ili 7,67% i 1 P-Mo ili 16,66%), a na drugi način (odbacivanjem tužbe, povlačenjem tužbe, obustavom, prekidom i dr) je riješeno 131 predmet ili 21,65% (od čega 50 P ili 20,49%, 4 Rs ili 16%, 69 Mal predmeta ili 21,23 %, 5 M-Pom ili 100% i 3 P-Mo ili 50%)

Na kraju izvještajnog perioda ostalo je neriješeno 233 parničnih predmeta (101 P, 8 Rs, 123 Mal i 1 P-Mpom) od čega 224 predmeta iz 2019. godine i 9 iz ranijih godina.

Trajanje postupka: u 605 (244 P, 25 Rs, 325 Mal, 5 P-Mpom i 6 P-Mo predmeta) završenih parničnih predmeta postupak je u 591 predmeta trajao do 1 godine ili 97,69% a u 14 predmeta postupak je trajao preko 1 godine ili 2,31%.

#### b) Vanparnični referat

##### **Pregled primljenih vanparničnih predmeta:**

Vrsta vanparničnog postupka	Broj predmeta
Ostavinski postupak	617
Sastavljanje testamenta	1
Deponovanje testamenta	7
Opozivanje testamenta	4
Oduzimanje ili vraćanje poslovne sposobnosti	10
Proglašenje nestalih osoba umrlim i dokazivanje smrti	4
Dozvola za zaključenje braka	4
Liječenje vanbolničkog tipa	1
Zadržavanje duševno bolesnih osoba u zdravstvenoj ustanovi	4
Oduzimanje prava roditelju da živi sa djetetom	1
Dioba stvari i nekretnina u zajedničkom vlasništvu	13
Uređenje međa	11
Protest mjenice	74
Međunarodna pravna pomoć	10
Sudski depozit	1
Mjera osiguranja	1
Pravna pomoć	1

Na vanparničnom referatu (O i V predmeti) primljeno je 764 predmeta i u toku izvještajnog perioda u radu je bilo ukupno 1076 predmeta.

U toku izvještajnog perioda riješeno je 816 predmeta od toga 662 ostavinska predmeta (O), 138 vanparničnih (V-V), 5 deponovanja testamenta (Pi-Pi), 9 predmeta pružanja međunarodne

pravne pomoći (V-Mpom), 1 predmet pružanje pravne pomoći (V-Pom) i 1 predmet mjera osiguranja (V-Mo).

Od 138 riješenih V predmeta donošenjem odluke u meritumu riješeno je 32 predmeta, sudska nagodba je zaključena u 1 predmetu, povlačenjem prijedloga 6 predmeta, prijedlog odbačen u 1 predmetu, prekid postupka određen je u 5 predmeta, obustavljen postupak je u 2 predmeta, 7 predmeta su završena donošenjem procesne odluke, na drugi način riješeno 82 predmeta, dok su 2 predmeta delegirana na nadležnost drugim sudovima.

Od ukupno riješenih 9 V-Mpom predmeta u 8 predmeta je zamolnica izvršena a u 1 predmetu nije izvršena.

Od ukupno riješenih 662 O predmeta, od strane notara riješeno 602 predmeta, na osnovu raspravljanja zaostavštine riješeno 28 predmeta, rješenje o nasljeđivanju doneseno u 5 predmeta, prekid postupka u 5 predmeta, prijedlog odbačen u 3 predmeta, prijedlog povučen u 4 predmetu, završeno na drugi način u 11 predmeta, u 3 predmeta je doneseno rješenje o neraspavljanju zaostavštine, dok je 1 predmet delegiran po mjesnoj nenadležnosti drugom sudu.

Trajanje postupka: na vanparničnom referatu od 816 predmeta u 734 predmeta postupak je trajao do 1 godine ili 89,95 % dok je u 82 predmeta ili 10,05% postupak trajao preko 1 godine.

### **c) Izvršni referat**

Na izvršnom referatu u toku 2019. godine primljeno je 843 predmeta, 1 I-Pom i 88 Ip predmeta od toga je 283 komunalnih predmeta.

U toku 2019.godine riješeno je 1069 izvršna predmeta ( 956 I, 1 I-Pom i 112 Ip predmeta), od čega je 328 komunalnih a 741 predmeta su ostali (po prijedlogu banaka, Mikro kreditnih organizacija, izvršenja na osnovu pravosnažnih sudskih odluka i dr.)

Na kraju izvještajnog perioda ostalo je neriješeno 700 izvršnih predmeta, od čega 655 I predmeta i to: iz 2019. godine 481 predmeta, iz 2018. godine 126 predmeta, iz 2017. godine 24 predmeta, iz 2016. godine 17 predmeta, iz 2015. godine 2 predmeta, iz 2013. godine 3 i iz 2011. godine 2 predmeta.

Ostalo je neriješenih 45 Ip predmeta, od čega iz 2019. godine 35 predmeta, 8 predmeta iz 2018. godine, 1 predmeta iz 2017. godine, 1 predmet iz 2016. godine.

Od ukupno 700 neriješenih izvršnih predmeta su 292 komunalni a 408 su ostali.

### **Pregled rada u izvještajnom periodu po Pr predmetima**

U izvještajnom periodu primljeno je ukupno 1269 prekršajnih predmeta od čega je 541 Pr predmeta, 17 Prm, 3 Pr- Mpom predmeta, 372 Pr-Pls predmeta, 34 Pr-Ipsz i 301 Ips predmeta i 1 Prm-Ipsm.

U izvještajnom periodu na prekršajnom referatu ukupno je riješeno 1335 predmeta od toga: 599 Pr predmeta, 14 Prm predmeta, 372 Pr-Pls predmeta, 315 Pr-Ips predmeta, 32 Pr-Ipsz predmeta, 3 Pr-Mpom predmeta.

Na kraju izvještajnog perioda ostalo je ukupno 908 neriješenih prekršajnih predmeta od kojih je: 71 Pr predmet i svi su iz 2019. godine, 828 Ips predmeta od čega 264 iz 2019.godine, 171 iz 2018.godine, 181 iz 2017. godine, 170 iz 2016.godine i 42 iz 2015.godine; 2 Pr-Ipsz oba iz 2019.godine, 1 Pr-Mpom iz 2019.godine, 1 Pr-Pls iz 2019.godine, 1 Prm-Ipsm iz 2019.godine, 4 Prm-Prm od kojih su 3 iz 2019.godine a 1 iz 2018.godine.

## Zemljišno-knjižni ured

U 2019. godini riješeno je 10083 predmeta zajedno sa predmetima usaglašavanja katastra i zemljišne knjige, od toga 2544 redovnih Dn predmeta na osnovu zahtjeva za upis i 7539 predmeta na osnovu zahtjeva za usaglašavanje katastra i zemljišne knjige.

Primljeno 2560 redovnih Dn predmeta, s tim da u 2019.godini nisu primljeni zahtjevi za usaglašavanje katastra i zemljišne knjige. Treba naglasiti da je u 2015. godini započeo Projekat registracije i usaglašavanja podataka o nekretninama i pravima na nekretninama iz katastra i zemljišne knjige za k.o. Gračanica i Gornja Orahovica, tako da je u 2015. godini zaprimljeno 14338 predmeta, dok je u novembru i decembru 2016. godine zaprimljeno 10256 predmeta za usaglašavanje katastra i zemljišne knjige za k.o. D. Lohinja-Pribava, Donja Orahovica i Lukavica Rijeka a u zadnjem kvartalu 2018.godine je zaprimljeno 9795 predmeta za usaglašavanje katastra i zemljišne knjige za k.o. Stjepan Polje, Miričina i Lukavica.

U toku 2019. godine priliv redovnih zemljišnoknjižnih predmeta na osnovu zahtjevu za upis je manji u odnosu na 2018. godinu za 65 predmeta a takođe i broj riješenih predmeta je manji u odnosu na 2018. godinu i to za 143 predmeta, dok je na osnovu zahtjeva za usaglašavanje katastra i zemljišne knjige u 2019. godini nije bilo zaprimljenih predmeta te vrste ali je riješeno 7539 predmeta te vrste odnosno 381 više u odnosu na 2018.godinu.

## **RJEŠAVANJE ZAOSTALIH PREDMETA**

Iz tabela br. 1 i br. 2 (gdje je dat prikaz svih vrsta predmeta) vidljivo je da je na dan 31.12.2018. godine ostalo neriješeno ukupno 11405 predmeta, uključujući i zemljišnoknjižne predmete iz Projekta usaglašavanja katastra i zemljišne knjige, dok je bez pomenutih predmeta u 2018. godini ostalo neriješeno 2457 predmeta zajedno sa 27 redovnih Dn predmeta. U toku 2019. godine primljeno je u rad novih 7019 predmeta od čega je 2560 redovnih Dn predmeta, tako da je u radu bilo ukupno 18424 predmeta. U istom periodu riješeno je 14830 predmeta od kojih je 7539 predmeta riješeno predmeta iz Projekta usaglašavanja katastra i zemljišne knjige a 2544 redovnih zemljišnoknjižnih predmeta, s tim da je od ukupno riješenih zemljišnoknjižnih predmeta, 2527 riješenih predmeta su predmeti primljeni u rad toku 2019. godine a 7556 predmeta koji su kao neriješeni preneseni iz prethodnih godina.

Na dan 31.12.2019. godine ostalo je neriješeno ukupno 3694 predmeta od čega 1469 ili (39,77%) predmeta koji su primljeni u 2019. godini i 2225 (60,23%) predmeta iz ranijih godina. Od 2225 predmeta koji su ostali neriješeni na kraju izvještajnog perioda, a potiču iz ranijih godina, 938 predmeta potiču iz 2018. godine, od čega je 591 Dn predmet (redovni i predmeti iz Projekta), 225 predmeta potiču iz 2017.godine, 493 predmeta iz 2016.godine od čega je 300 Dn predmeta (redovni i predmeti iz Projekta), 549 predmeta potiče iz 2015.godine od čega je 499 Dn predmeta (redovni i predmeti iz Projekta), zatim 6 predmeta potiče iz 2014.godine, 5 iz 2013.godine, 2 iz 2012.godine, 3 iz 2011.godine, 3 iz 2010.godine i 1 iz 2009.godine.

Preneseni predmeti iz ranijih godina nisu riješeni iz procesnih razloga jer u pojedinim krivičnim predmetima optuženi nisu dostupni, mijenjaju se adrese, u parničnim predmetima, osim složenosti predmeta prisutna je kod određenog broja predmeta i nemogućnost dostave tužbe na odgovor tuženoj strani zbog promjenjenih ili netačnih adresa. Kod izvršnih predmeta razlog nerješavanja je to što je u izvršnim predmetima više izvršenika, tražitelj izvršenja dostavi netačne adrese, izjavljivanje prigovora izvršenika usporava postupak, zatim česta potreba da se vrši popis, procjena i prodaja pokretnih stvari izvršenika zbog čega sudski izvršilac fizički nije u mogućnosti da izvrši popis u svim predmetima, u pojedinim predmetima od strane tražilaca izvršenja traži se i ponovni popis stvari, izvršni postupak usporava podnošenje zahtjeva tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga.

Radi bržeg rješavanja starijih predmeta sud svake godine u skladu sa Uputstvom Visokog sudskog i tužilačkog vijeća Bosne i Hercegovine donosi Plan rješavanja predmeta, čija se



realizacija redovno prati. Prema Uputstvu Vijeća plan se sačinjava za predmete koji nisu hitne prirode, komunalne prirode i odnosi se na one koji nisu riješeni za godinu dana od prijema inicijalnog akta u sud (optužnica, tužba, prijedlog za izvršenje). S tim u vezi, može se reći da je u prethodnoj godini zadovoljavajući broj starih predmeta riješen.

## **STATISTIČKI KVALITET ODLUKA**

Statistički kvalitet odluka se izračunava u skladu sa članom 18. Kriterija za ocjenjivanje rada sudija u Bosni i Hercegovini („Službeni glasnik BiH“, broj 93/18, 53/19 i 79/19) i to na temelju sljedećih podkriterija:

- procent ukinutih odluka u odnosu na ukupan broj potvrđenih, preinačenih i ukinutih odluka od strane suda više instance
- Procent ukinutih i preinačenih odluka, koje se u smislu stava 2.istog člana računaju kao ukinute, u odnosu na ukupan broj predmeta u kojima je donesena konačna odluka na koju se može izjaviti pravni lijek sudu više instance.

Broj donesenih odluka suda u 2019.godini na koje se mogao izjaviti pravni lijek je 2416, broj potvrđenih odluka je 190, broj preinačenih odluka je 70, broj ukinutih odluka je 33 a broj djelimično ukinutih je 5.

U skladu sa navedenim Kriterijima, kvalitet sudskih odluka za 2019.godini iznosi 89,86%.

## **IZVRŠENJE KRIVIČNIH SANKCIJA**

U toku 2019. godine u radu je bilo 122 predmeta izvršenja krivičnih sankcija (upućivanje pravnosnažno osuđenih lica na izdržavanje kazne zatvora) od kojih je 24 preneseno iz prethodnih godina, a 98 je primljeno u 2018. godini.

Od 98 primljenih predmeta izvršenja krivičnih sankcija u 89 predmeta osuđena lica su sa područja općine Gračanica, u 8 predmeta iz općine Doboj Istok, dok je u jednom predmetu za osuđenog utvrđeno da ima boravište na području Grada Gradačac nakon čega je predmet dostavljen na nadležnost Općinskom sudu u Gradačcu.

U toku izvještajnog perioda riješena su 94 predmeta, a 28 je ostalo neriješenih.

## **KADROVSKA STRUKTURA SUDA I MATERIJALNI POLOŽAJ**

Općinski sud u Gračanici vrši sudsku vlast za područja općina Gračanica (tj.Grada Gračanica) i Doboj Istok i za vršenje poslova prema Pravilniku o unutrašnjoj organizaciji Općinskog suda u Gračanici 027-0-Su-10-000138 od 26.04.2010.godine obrazovane su organizacione jedinice kroz Odjeljenje sudija, Odjeljenje sudske uprave (a-odsjek sudske uprave i b-pisarnica), te Odjeljenje za zemljišno-knjižne poslove.

Prema navedenom Pravilniku predviđeno je da sudsku funkciju u Općinskom sudu u Gračanici vrši 5 redovnih sudija, 2 dodatnih sudija uključujući i predsjednika suda, 2 stručna saradnika a ostale poslove iz nadležnosti suda 5 državnih službenika i 28 namještenika, s tim da je navedeni Pravilnik bio na snazi do 09.12.2019.godine od kada je na snazi novi Pravilnik o unutrašnjoj organizaciji i sistematizaciji radnih mjesta u Općinskom sudu u Gračanici broj 027-0-Su-19-000 544, prema kojem postoje izmjene u pogledu sistematizacije ali na dan 31.12.2019.godine nije bilo promjene odnosno nisu popunjena predviđena nova radna mjesta.

Poslove sudija u izvještajnom periodu obavljalo je 6 sudija (predsjednik suda, 4 redovnih sudija i 1 dodatni sudija) i 2 stručna saradnika, od koji je jedan saradnik po osnovu porodijskog odsustva bio odsutan od 16.01.2019.godine do 31.12.2019.godine.

U 2019. godini osim nepopunjenog mjesta dodatnog sudije, upražnjena su određena mjesta namještenika zbog finansijske situacije tj. od predviđenih 28 popunjeno je 21 radno mjesto, s tim da treba naglasiti da je radno mjesto državnog službenika-administratora bilo upražnjeno od 09.07.2018.godine do 11.09.2019.godine, kada je novopostavljeni državni službenik stupio na posao, zatim da je radno mjesto namještenika-čistačica bilo upražnjeno od 25.01.2019.godine do 27.11.2019.godine, a radno mjesto namještenika tehničkog sekretara od 11.04.2019.godine do 27.11.2019.godine, kada su novoizabrani namještenici počeli sa radom.

## **RAD SUDSKE UPRAVE**

U Odjeljenju sudske uprave obavljaju se poslovi kojima se osiguravaju uslovi za pravilan rad i poslovanje Suda a u okviru Odjeljenja sudske uprave formirane su unutrašnje organizacione jedinice a) Odsjek sudske uprave i b) Pisarnica.

Poslovi Odsjeka sudske uprave obuhvataju:

- organiziranje unutrašnjeg poslovanja u Sudu,
- obezbjeđenje blagovremenog i urednog obavljanja poslova u Sudu,
- osiguravanje uslova za rad sudija, stručnih saradnika i ostalih zaposlenika u Sudu, obavljanje poslova u vezi sa ostvarivanjem prava, obaveza i odgovornosti sudija, stručnih saradnika i ostalih zaposlenika u Sudu,
- podršku i brigu o stručnom usavršavanju sudija, stručnih saradnika i ostalih zaposlenih u Sudu,
- održavanje biblioteke u sudu i redovno popunjavanje aktuelnom stručnom literaturom,
- vođenje personalne dokumentacije, vršenje poslova finansijskog i materijalnog poslovanja Suda,
- obavljanje poslova javnih nabavki,
- obavljanje poslova iz radnih odnosa,
- poslovi izvršenja krivičnih i prekršajnih sankcija,
- poslovi u vezi sa pritužbama na rad sudija, stručnih saradnika, državnih službenika i namještenika,
- poslovi međunarodne pravne pomoći,
- ostali poslovi određeni Zakonom i drugim propisima.

U radu suda primjenjuju se odredbe Pravilnika o unutrašnjem sudskom poslovanju Federacije BiH i Brčko distrikta, Pravilnika o sistemu za automatsko upravljanje predmetima u sudovima (CMS), Pravilnika o orijentacionim mjerilima za rad sudija i stručnih saradnika i Uputstva VSTV-a BiH za rad po starim neriješenim predmetima.

U okviru rada sudske uprave, izvršena je i redovna obaveza predsjednika suda u pogledu godišnjeg ocjenjivanja rada sudija, stručnih saradnika i svih ostalih zaposlenika Suda. Predsjednik Suda je obavio ocjenjivanje rada 5 sudija, dvoje stručnih saradnika i pet državnih službenika Suda, dok je po prijedlogu šefa pisarnice i šefa zk ureda, predsjednik Suda u okviru svojih nadležnosti izvršio ocjenjivanje ostalih zaposlenika.

U izvještajnom periodu kontinuirano su se izrađivali i mjesečni izvještaji o radu svakog sudije pojedinačno i suda u cjelini, a program CMS omogućavao je svakom od sudija da u bilo kojem trenutku ima informaciju o svojim ostvarenim radnim rezultatima i stanje broja neriješenih predmeta.

Odjeljenje sudske uprave je i u toku 2019. godine osiguralo sudijama administrativno-tehničku podršku pri pohađanju obaveznih edukacija svakog sudije ( i to u trajanju od najmanje tri dana ) ostvarenih kroz seminare i konferencije koje je organizovao Centar za edukaciju sudija i tužilaca FBiH, a gdje su se iskustva stečena na stručnim usavršavanjima pozitivno odrazila na kvalitet rada svakog sudije pojedinačno ali i Suda u cjelini.

U okviru sudske uprave redovno su se održavali i radni sastanci sa šefovima unutrašnjih organizacijskih jedinica, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosom prema radu i radnoj disciplini te dosljednijem poštivanju Etičkog kodeksa ponašanja.

Web stranica suda se stalno ažurira nastojeći da pruži javnosti potrebne podatke o radu suda i sudskim uslugama počevši od rasporeda održavanja glavnih pretresa i rasprava pa do načina ostvarivanja slobode pristupa informacijama, kao i ostalih obavještenja i uputstava kako bi strankama bili olakšani različiti postupci pred sudom.

Na kraju treba istaći i činjenicu da je sudska uprava ostvarila i veoma dobru saradnju sa Odjelom sudske policije, koja je smještena u zgradi Suda, i da je sudska policija u proteklom periodu uspješno obavila sve zadatke koje je dobivala od strane predsjednika Suda, sudija sa krivičnog referata te sudija sa drugih referata.

## **OCJENA I PRIJEDLOG MJERA**

Osnovne karakteristike za ovaj izvještajni period, u najkraćem, bile bi:

Općenito priliv predmeta u 2019. godini, bez zemljišnoknjižnih predmeta, je neznatno veći u odnosu na 2018. godinu (za 126 predmeta).

Priliv predmeta u 2019.g. je manji u odnosu na priliv u 2018. godini na izvršnom referatu odnosno neznatno manji na parničnom i vanparničnom referatu, dok je neznatno veći na krivičnom referatu. U pogledu priliva prekršajnih predmeta, priliv Pr-Pr predmeta je manji u odnosu na 2018.godinu ali je veći broj Pr-Pls predmeta.

U pogledu zemljišno-knjižnih predmeta priliv predmeta na osnovu zahtjeva za upis u 2019. godini je manji u odnosu na 2018. godinu a takođe, u 2019.godini nisu zaprimljeni zahtjevi za uspostavu zemljišne knjige u okviru Projekta registracije nekretnina ali je veći broj riješenih predmeta te vrste u odnosu na 2018.godinu dok je broj riješenih redovnih predmeta na osnovu zahtjeva za upis nešto manji u odnosu na 2018. godinu.

U izvještajnom periodu smanjen je broj neriješenih predmeta u odnosu na 2018.godinu, od čega je u pogledu starosti neriješenih predmeta, najveći broj je predmeta iz 2019.godine, zatim iz 2018., 2017., 2016. i 2015. godine, mali broj je predmeta iz 2014.-2010.godine, dok je samo 1 predmet iz 2009. godine.

S obzirom na ostvarenu kolektivnu normu suda od 105,99 % može se konstatovati da je postignut odgovarajući rezultat u postupanju sa predmetima što je umnogome doprinio i veći broj riješenih predmeta u odnosu na sam priliv predmeta, kao i činjenica da nijedan od sudija nije bio odsutan duži period sa posla dok je 1 stručni saradnik bio odsutan po osnovu porodijskog odsustva od 16.01. do 31.12.2019.godine, što se mora imati u vidu na ostvarenje norme,

Rad zemljišno-knjižnog ureda je veoma zadovoljavajući, s obzirom na Projekat usaglašavanja i broj predmeta koji je primljen u 2015. godini, 2016. godini i 2018. godini.

Radni rezultati skoro svih sudija su zadovoljavajući, dvoje sudija je imalo prebačaj norme, kod dvoje sudija ostvarena norma je malo ispod 100% godišnje norme, dok su preostalih dvoje sudija i stručni saradnik ostvarili normu u procentu od preko 80% (1 stručni saradnik je bio odsutan zbog porodijskog odsustva tokom 2019.godine).Rad svih ostalih uposlenika cijeni se kao uspješan odnosno naročito uspješan, posebno kada se ima u vidu da je radna mjesto stručnog saradnika-administratora bilo upražnjeno do 9.mjeseca a radno mjesto tehničkog sekretara od 4. do 11.mjeseca.

Cjelokupan rad suda za 2019.-tu godinu se može ocijeniti kao uspješan, o čemu govore podaci o broju ukupno riješenih predmeta i umanjenja neriješenih predmeta za 188, sa godišnjom kolektivnom normom od 105,99 %, kvalitetom sudskih odluka od 89,86 %, takođe i smanjenim brojem starih predmeta.

Efikasnost posmatrana kroz dužinu trajanja postupka je različita u odnosu na vrstu predmeta, zavisno od broja predmeta na određenom referatu te priliva predmeta.

Rokovi propisani u Zakonu o krivičnom postupku za odlučivanje o potvrđivanju i dostavljanju optužnice, zakazivanje ročišta radi izjašnjavanja o krivnji, razmatranje izjava o priznanju krivnje, kao i u pogledu pritvorskih predmeta tako i u pogledu zakazivanja glavnih preteresa, su u najvećem dijelu predmeta ispoštovani.

Rokovi propisani Zakonom o parničnom postupku su ispoštovani u pogledu dostave tužbe na odgovor, kao i u zakazivanju pripremnih ročišta i glavnih rasprava što je umnogome doprinio i smanjeni priliv predmeta, kao i činjenica da nijedan od sudija tokom godine nije bio odsutan duži period (osim jednog stručnog saradnika koji je bio odsutan zbog porodijskog odsustva).

Rokovi propisani za izradu odluka uglavnom su ispoštovani na svim referatima, osim u opravdanim slučajevima.

U izvještajnom periodu ostvarena je saradnja na zavidnom nivou sa Centrom za pružanje besplatne pravne pomoći što se odrazilo na aspekt budžetskih sredstava zbog angažovanja uposlenika Zavoda u predmetima.

#### Ocjena o potrebnom broju sudija, stručnih saradnika i namještenika

Ako se ostvareni priliv predmeta u 2019. godini i to predmeti K, Km, Kpp, Kps, Kv, Iks, P, Mal, Rs, V, O, I. i Ip, Pom, Mpom, iskazan u tabeli br. 1, sagleda u odnosu na godišnju normu, proizilazi da bi se zadržala postojeća ažurnost suda potrebno je razmotriti u 2020. godini povećanje broja namještenika ili državnog službenika a imajući u vidu i predviđenu sistematizaciju novim Pravilnikom o unutrašnjoj organizaciji i sistematizaciji radnih mjesta.

PREDSJEDNIK SUDA  
Meliha Hadžihasanović

